

DEO OPTIMO MAXIMO UNI ET TRINO,

VIRGINI DEI-PARÆ, ET S. LUCEÆ,

Orthodoxorum Medicorum Patrono.

QUÆSTIO MEDICO-CHIRURGICA,*

QUOD LIBETARIIS DISPUTATIONIBUS

manè discutienda in Scholis Medicorum, die Jovis nonâ
mensis Aprilis, anno Domini M. DCC. LXXII.

M. PASCHASIO BORIE,

Doctore Medico, Præside.

*An qui Tumores deleri debent, Ferro potius quàm Cauterio
potentia, delendi?*

I.



ROTUBERANT passim in corpore humano Tumores, mole, figurâ, colore, duritie, cæterisque adjunctis adeo dissimiles, ut, licet ad genus aliquod possint ut plurimum revocari, de specierum numero nondum satis constet. Inter eos, complures universalibus modò particulâribus remediis, sæpè utrisque vel ad suppurationem, vel ad resolutionem feliciter perducuntur. Quæ si frustra tentata fuerint, superest, crudele quidem, at non semper rejiciendum præsidium. Ex ipso enim amaritudinis fonte surgit aliquid grati, sanitas nempe, quo dolores possint abundè simul & jucundè pensari. Consistit illud opus in Tumore auferendo, quod instrumento multiplici confici potest. Vel enim funiculis religatus Tumor, aut inermibus digitis prehensus convellitur: vel laqueo paulatim, ab imis radicibus, sic strangulatur, ut spontè post paucos dies decidat. Leniter etiam contorqueri potest ope forcipis, aut ignito ferro comburi. Duo sunt tandem vulgatiore usûs, Caute ium, quod aiunt, *Potentiale*, & Cultellus, quorum primo Tumores sensim consumuntur, altero, statim rescinduntur. In iis interim abolendis sunt multa, ad quæ nisi sedulò advertatur, operâ erit, si non semper exitiosa, saltem aut difficilis, aut parùm fructuosa. Primò igitur quæ tolli debent ea tantummodò, at omninò tamen, tollantur. Cutis, quantum res sinit, post factam operationem, integra remaneat. Arteria aut vena insignis, si qua vel incantè, vel necessariò aperta fuerit, conspectum non fugiat. Tendines, nervi, membranae ne molestè quoquomodò afficiantur. Quàm brevissimè fieri potest, pars affecta doleat. Ex Cauterio autem & Ferro, alteri præferri debet alterum, quod supra memorata valet præstare.

* *Auctore M. BOUVART, Doctore Medico, anno 1738.*

I I.

CUINAM usus tot, inter operandum, astutiæ si quis scietur, in promptu responsio est. Plurima, nempe, simul ex iis exurgere commoda, & arceri pericula. Enim verò si Tumor scilicet auferatur, ut nihil ex eo superfit, quod recidivæ metum incutiat, aut quoquomodo sit nociturum: nec interea cæterarum partium ulla lædatur quæ servari debent, feliciorem curationem consequuturam esse satis elucescit. Deinde cutem non deleri parvi non est. Hoc pacto potest, intra paucos dies, cum fundo vulneris coalescere. Illud si præstari possit, præcavetur suppuratio, quæ, si nimis copiosa fuerit, debilitatem summam affert, imò lethalem sæpè *marasmm*, si suppressa, febrem & inflammationem, si moderata & laudabilis, tardam curationem. Non est tamen diffidendum adeò opportunam quandòque esse suppurationem, ut sæpè, absque noxâ, prohiberi non possit. At nobis satis erit, si, nonnullis in casibus, utiliter prævertatur. His etiam addendum videtur cutem, cuius usus ignotus nemini, ubi semel sublata fuerit, arte nullâ posse reparari. Num itaque rem levissimi momenti crederes, quòd, ipsâ perditâ, cicatrice, in plurimos menses protractâ, veluti præcari, vulnus obducatur? Præterea unum tantum contingere potest, ut reverâ non semel contigerit, arteriæ alicui scilicet, aut venæ insigni inflictum fuisse vulnus. Huic calamitati, promptâ ligaturâ, succurrendum. Sed quânam arte præsens adhibebitur auxilium, nisi instrumenti, inter operandum, delectu, cautum fuerit quominus apertum vas, intra circumfusas carnes, citâ contractione, delitescat. Quod tendones & nervos spectat, nemo nescit eos sensu exquisitissimo esse donatos, ob eamque rationem faciliè admodum irritari. Levi de causâ dolorificè convelluntur, undè oriuntur tensio maxima, durities, longè circa partem affectam, quandòque abscessus periculosissimi, nisi citius delirio, convolutionibus, imò ipsâ gangrænâ supervenientibus, mors æccita fuerit. Longioribus tandem doloribus hominem torquere inhumanum est, quem brevioribus sanare possis. Quæ ratio, si cuiquam non ardeat, febrem, vigiliam, virium lapsum, solitas longiorum dolorum comites, consideret.

I I I.

PLURES sunt Tumorum species, quàm ut singulas possimus describere, illud tantum monemus, de Tumoribus omnibus hic non agi. Permulti siquidem observantur à quibus non temperare manûs nefandum esset, veluti quandò aut nervis, aut tendonibus hærent, aut vasibus majoribus, quarum partium summi discriminis foret vulnerationis. Nec etiam deleri debent qui, longâ morâ, maximam in molem creverunt, nisi fortè tenui pediculo, quod rarò tamen occurrît, pendeant. Sunt è contra quos parùm sapienter intactos relinqueres. Tales sunt qui pondere nimio, situ inopportuno, partem aliquam valde gravant, sicque organi alicujus ad vitam necessarij functionem interceptant. Non magis ignoscendum est iis à quibus timeri potest ne, lapsu temporis, in immensum augeantur, aut, pejorem induendo naturam, in ulcus mortiferum desinant. Ex hæc profapiâ, instar omnium sint *Scirrhus*, *Cancer*, & præterea Tumores nonnulli qui, ratione materie quam continent, diversa sortiuntur nomina. Si ea nempe null referat, *Melicerides*, *Atheromata* si pulticulam, si sebaceum quid aut adiposum filamentis membranisque intertextum *Steatomata* nuncupantur. Hæc solâ ratione differunt. At illud inter se commune habent, quod singulorum materia, pleurumque sacculo comprehendatur, qui sacculus nihil videtur esse quàm folliculus adiposus, præter naturam, valde ampliatus. Hujusmodi verò sacculi quandòque sic indurantur, ut æmulentur corium duritie. *Scirrhus* est Tumor inæqualis, durus, retinens, indolens, persæpè in glandulis, prægressâ plerumque inflammatione, nascens. Constitit autem in congerie quâdam abnormi atque intricatissimâ vasorum induratorum, quæ, lymphâ inspissatâ, maximam partem, obturantur. Faciliè in Cancrum

potest migrare, cum, pressione jugi, succis con crescentibus, vasculorum cavum omnino oppletur. Tunc circuitus sanguinis ibi penitus deficit, magis ac magis indurantur vasa, crescit tumor atque exporrigitur in radices quæ ad corneam duritiem assurgunt. Pruritus sentitur molestus, dolorificus. Tandem se res habet, quamdiu non ulceratus est Cancer. Sed concretus humor tandem expanditur. Quæcumque autem de causâ, vehementiori fortè sanguinis impulsu, calorem concipiat turgescit in parte affectâ tantò majore aestu, quantò violentius compactus fuerit. (1) Tunc non simplex dolor urget, sed cruciatus intolerabilis, quasi tractus ignei. Cutis succo rarefcente pressa negrescit, corripiturque gangrænâ ac tandem rumpitur. Hiat ulcus foedum, marginibus extorsim versis, sanie tenui, erodente stillans, aspectu horrendum, immedicabile. Canceri eò utque progressi curatio non debet suspici, at solummodò, cum, primis initiis, sub cute adhuc integrâ, ad digitorum nutum fluctuat, necdum, in partes subjacentes, altas radices erit. Tunc potest deleri sicut & Tumores præmemorati, quibus etiam possunt addi Ficus, Fungus, Polypus aliique quàmplurimi. Sed quæcumque in Tumorem ablatione commendavimus, ea maximè Cultello præstari certum est, contraria verò Cauterio inveni.

I V.

QUID enim Cultello chirurgico tutius aut commodius? Cauterio quid magis inopertunum intutumve? Cultello, si præsertim manu prudentiæ non experte gubernetur, non aliæ cæduntur partes, quàm quæ cadi debent, omnes verò possunt excidi, quæ sunt excidendæ. Cauterio non item. Vel enim sub pulveris formâ, inspergitur, vel apponitur unguento mixtum, vel aquoto aliquo vehiculo dilutum. Quoquo autem modo usurpetur, ut ut dextrè id fiat, præcaveri nunquàm potest quin hanc vel illam partem, aut acrius, aut moderatius comburat, prout mollior rem invenerit aut solidiorem. Hinc quoque, vel inde divagari potest, eaque rodere quæ integrâ manerè debuissent, intacta verò relinquere quæ forent consumenda. Sunt etiam nonnullæ Tumorum partes quarum ne vel minimam supereffe multum interest, facculos puta occallatos, vel ipsas Cancrorum radices. In eas, quoniam nullum ferè habent cum sanguinis circuitu commercium, irrita planè est vis Cauterii. Volsellâ è contra, vel digitis prehenfæ, Cultelli operâ, levi prorsus negotio, superantur. Deinde præcaveri nunquàm potest quin Cauterio penitus destruatut cutis, at Scalpello faciliè servari potest, siquidem cruciatim, aut quovis alio modo inciditur, extremis digitis postea superantur anguli vulneris fundo, post sublatum Tumorem, si visum fuerit, aptandi. Tertio si vel eò nimiam in operando celeritatem, imperitiam, vel *anomaliam* vasorum, quam vaticinari fas non est, distributionem, arteria aut vena non spernendæ magnitudinis aperta fuerit, illicò, nihilò obstante, ligari potest. Scalpello enim incisa, statim apparet, nec ante crispatur quàm possit filo confringi, imò, sanguine ubertim erumpente, statim ipsa se prodit. At multò lentius cum Cauterio proceditur, quod, ut possit agere, per tempus aliquod sinendum est. Interea si quod vas erosum fuerit, molestè vellicatum, in carnes morâ non mediocriter juvante, reconditur. Ferro tendem (modò cæsim, non verò punctum id fiat) multò minori periculo, quàm Cautifico, tendones, nervi, membranæ vulnerantur, quæ tutò, & quandòque datâ operâ omnino refecantur. Ex Cautistici autem molesto & dolorifico morfu funestissima, qualia jam diximus, cientur symptomata.

(1) D. Astruc, de morb. Vener.

EX eo quod laesa Caustico arteria statim stringatur, atque retrahatur in carnes, verum est cohiberi sanguinem, sed ad breve tempus: Nam ubi primum remisit astringens Cauterii vis, sanguis eò majori pertinaciâ effluit, quò deligandæ arteriæ non amplius detur occasio. Facile tamen concesserimus, per Cauterium, minimis talem in vasculis, subitanam & durabilem esse sanguinis cohibitionem. Sed exindè Cultri utilitas magis elucet; siquidem ex vulnere, per ipsum insidito, manat sanguinis sufficiens quantitas, quâ prævertitur inflammatio, quæ semper, appposito Caustico, nimia consequi solet, ob id imprimis, quòd sanguis nullus effluerit. Frustra quoque oppositum quibusdam in Tumoribus, Fungis forsitan, qui naturâ suâ parum sentiunt. Sed cæteris in casibus, præterquamquòd non minùs molesta sunt Caustica quàm Ferrum, id habent insuper incommodi, quòd unicâ vice, quemadmodum Culter, Tumores, maximè molis amplioris, delere non valeant. Sed multoties apponi debent, quâ quidem repetitâ appositione, dolores jam sevitùâ æquales, multò diuturniores evadunt. Ad hæc frequentiore Causticorum usu, Tumores benigni in *Scirrhos*, *Scirrhî* in Cancros immutantur. Partes Caustici, cujuscumque sit speciei, per apertas vulneris venas receptæ in sanguinem, venenatam ipsi qualitatem inducunt, *Arsenicalia* præsertim, quibus semel tantum applicatis, plurimi convulsi fato occubuerunt. Unum postremo observabimus circa eos Tumores qui versùs radicem quasi in collum arctantur. In iis, quæ collum pertranseunt vasa exiliora sunt, crassissima verò & varicosa quæ in Tumoris molem disperguntur. His ergo apertis, difficiles oriuntur hæmorrhagiæ, quæ quidem, si Caustica adhibeantur, vitari nequeunt: quippe cum iis, vulgò à Tumoris mole, ad radices pergendo, iteratis vicibus proceditur; at si culter adhibeatur, statim à radicibus Tumor potest excidi.

Ergo qui Tumores deleri debent, Ferro potius, quàm Cauterio potentiali, delendi.

DOMINI DOCTORES DISPUTATURI.

*M. Petrus-Maria VIEL-
LARD, M. Petri Pois-
sonnier, Lectoris & Pro-
fessoris Regii Vicarius
& Successor à Rege dis-
ignatus.*

*M. Joannes - Baptista
LANGLOIS.*

*M. Barthol.-Tuffanus LE CLERC,
Consiliarius Medicus Regis ordina-
rius in ejus Castellato.*

*M. Ludovicus - Henricus
BOURDELIN.*

*M. Henricus RAYMOND,
Regis exercituum in In-
sulâ Corsicâ Medicus.*

*M. Ludovicus - Gabriel DU PRÉ,
Serenissimi Principis Condæi Con-
siliarius Medicus.*

*M. Ludovicus-Alexander
CEZAN.*

*M. Carolus - Nicolaus
D'ESLON.*

*M. Antonius PETIT, in Horto Re-
gio Anaromes & Chirurgiæ Professor,
à Regiâ Scientiarum Academiâ, &
Militarum Regni Nosocomiorum
Inspector.*

Proponebat Parisiis LUDOVICUS CAROLUS-HENRICUS MACQUART,
Remus, Doctor Medicus Remensis, nec non Saluberrimæ Facultatis Medicinæ
Parisiensis Baccalaureus, A. R. S. H. 1772. A SEXTA AD MERIDIEM.

apud Quillan, Universitatis & Facultatis Medicinæ Typographi, 1772.